

Қазақстан Республикасы Жоғарғы Соты Пленумының "Соттардың азаматтық іс жүргізу заңының кейбір нормаларын қолдануы туралы" 2000 жылғы 30 маусымдағы N 9 қаулысына өзгерістер мен толықтырулар енгізу туралы

Күшін жойған

Қазақстан Республикасы Жоғарғы Соты Пленумының қаулысы 2000 жылғы 30 қазан N 15. Күші жойылды - Қазақстан Республикасы Жоғарғы Сотының 2015 жылғы 10 сәуірдегі № 2 нормативтік қаулысымен.

Ескерту. Күші жойылды - ҚР Жоғарғы Сотының 10.04.2015 № 2 нормативтік қаулысымен (ресми жарияланған күнінен бастап қолданысқа енгізіледі).

Қазақстан Республикасы Жоғарғы Соты Пленумының "Соттардың азаматтық іс жүргізу заңының кейбір нормаларын қолдануы туралы" 2000 жылғы 30 маусымдағы N 9 қаулысындағы P00009S_ жекелеген ережелерді анықтау мақсатында Қазақстан Республикасы Жоғарғы Сотының Пленумы қаулы етеді:

1. 1-тармақтың 1 абзацындағы "ҚР АІЖК-нің 6-бабында" деген сөздер "Қазақстан Республикасының Азаматтық іс жүргізу кодексінің K990411_ (әрі қарай АІЖК-нің) 6-бабында" деген сөздермен ауыстырылсын;

2. 2-тармақ мына редакцияда жазылсын:

"Азаматтық істер бойынша заңды және негізделген сот актілерін шығарудың маңызды шарты соттардың оларды қарау кезінде азаматтық сот ісін жүргізудің заңмен белгіленген принциптері - заңдылықты, бәсекелестікті, тараптардың теңдігін, жариялылықты, сот ісін жүргізу тілін және басқаларды дәл әрі мүлтіксіз сақтауы болып табылады.

Азаматтық сот ісін жүргізу принциптерінің бұзылуы оның сипаты мен мәнділігіне қарай АІЖК-нің K990411_ 23-бабына сәйкес шығарылған сот актілерін бұзуға әкеп соғады";

3. 3-тармақтың 2-абзацында "Конституциясының IV, V, VIII тарауларына" деген сөздер "Конституциясына K951000_ " деген сөздермен ауыстырылсын;

4. 5-тармақ мына редакцияда жазылсын:

"Заңды тұлғалардың, заңды тұлғаны құрмай кәсіпкерлік қызметпен айналысатын азаматтардың арасында пайда болатын мүліктік даулар бойынша дауды сотқа дейін реттеу туралы талаптарды сақтау қажет.

Прокурордың мемлекеттің мүддесі немесе мемлекеттің мүддесін қозғайтын осы тармақтың 1-абзацында көрсетілген тұлғалардың мүддесі үшін келтірілген талап арыздарына АІЖК-нің 136-бабының мүліктік дауларды сотқа дейін (тілек қойып) реттеу туралы талаптары қолданылмайды";

5. 6-тармақтың 3-абзацындағы "бағалауға жатпайтын өзге де мүліктік сипаттағы талап арыздардан" деген сөздер "өзге де мүліктік емес сипаттағы немесе бағалауға жатпайтын талап арыздардан" деген сөздермен ауыстырылсын;

6. 7-тармақтың 4-абзацында "ҚР АІЖК-нің 104 және 105-баптарындағы" деген сөздер "АІЖК-нің 108-бабының 8-бөлімінің, 114, 116-баптарының мағынасына сай осы Кодекстің 104 және 105-баптарындағы" деген сөздермен ауыстырылсын;

7. 8-тармақ мына редакцияда жазылсын:

"Азаматтық іс қозғау және сот ісін жүргізу тілі туралы мәселелер өзара тығыз байланысты болғандықтан, оларды судья бір мезгілде бір ғана сот актісі - ұйғарыммен шешуге құқылы;

АІЖК-нің К990411_168-бабына сәйкес судья істі сот талқылауына дайындау туралы өз алдына бөлек ұйғарым шығарып, онда істі сот талқылауына дайындау үшін қажетті іс-әрекеттерді көрсетуге тиісті";

8. 12-тармақтың 3-абзацында "іске қатысушылардың арыздарын" деген сөздер "тараптардың жеке шағымдарын" деген сөздермен ауыстырылсын;

9. 15-тармақтың 2-абзацы алынып тасталсын;

10. 16-тармақтың 3-абзацы мына редакцияда жазылсын:

"Соттар дәлелдемелерді бағалау және дәлелдеуден босату туралы мәселені шешу кезінде АІЖК-нің 66-бабының 10-бөлімінде, 78-бабының 3-бөлімінде және 91-бабының 8-бөлімінде белгіленген нормаларды ескерулері қажет";

11. 25-тармақ мына редакцияда жазылсын:

"Сот мәжілісінен тыс жасалған әрбір жеке процессуалдық іс-әрекеттер жөнінде хаттама жасау туралы АІЖК-нің 255-бабының талаптарына сәйкес, соттар мұндай хаттаманың істі сот талқылауына дайындау туралы ұйғарымның негізінде дәлелдемелерді сот мәжілісінен тыс бекіту қажеттігі пайда болған жағдайда әзірленуге тиіс екенін назарда ұстаулары қажет (АІЖК-нің 170-бабының 1), 2), 9), 11) және 13)-тармақшалары)";

12. 30-тармақтың 2 және 3-абзацтары мына редакцияда жазылсын:

"Кассациялық сатыдағы сот бірінші сатыдағы соттың ерекше талап қою өндірісіндегі істер бойынша шешімін толық көлемде заңдылығы мен негізділігін тексеруге міндетті. Бұл ретте бірінші сатыдағы соттың сайлауларға, референдумдарға қатысатын азаматтар мен қоғамдық бірлестіктердің сайлау құқықтарын қорғау туралы арыздары бойынша шешімдері түпкілікті және кассациялық тәртіппен шағымдауға (наразылық келтіруге) жатпайтынын, тек қадағалау тәртібімен қайта қаралуы мүмкін екенін есте ұстау қажет";

13. 32-тармақ мына редакцияда жазылсын:

"Бұрын іс бойынша шығарылған сот қаулыларын бұзып, істі бірінші сатыдағы сотқа жаңадан сот қарауына жіберу жөніндегі сот актісіне қадағалау

шағым беру процессуалдық іс-әрекет болып табылатындығы соттарға түсіндірілсін. Жоғары тұрған сот қадағалау шағымындағы дәлелдерді тексеру үшін осындай істі алдыртқан жағдайда, бірінші сатыдағы сот жоғары тұрған сот қадағалау шағым бойынша шешім қабылдағанға дейін істі АІЖК-нің 189-бабына сәйкес қарауды кейінге қалдыра тұрады";

14. 34-тармақтың 1-абзацында "немесе апелляциялық сатыдағы" деген сөздер алынып тасталсын;

15. Қаулының мәтініндегі "тармағы, тармағының" деген сөздер "бөлігі, бөлігінің" деген сөздермен ауыстырылсын.

Жоғарғы Соттың Төрағасы

Пленум хатшысы,

Жоғарғы Соттың судьясы